

雁側風前字煙凝雨後情不知誰氏子持釣立江城

二

人遠看來短山遙淡欲無水邊漁舍密天際客帆孤

三

亂山草斜出危岡竹倒懸人家春樹裏山色夕陽邊

四

霜月沈青嶂汀鷗卧白沙曉風刪竹葉秋霧補山了

許旌陽故宅

詩多唐代刻柏尙晉時青想得真君劒猶餘蛟血腥

寶慈寺

道藏輯要

自真人集二

十一

婁集二

殿古涵煙冷樓空得月多鐘聲巡遠岫塔影臥清波

玉豔亭卽事五首

正月梅花盡一溪春雨香燕方尋故壘蜂已葺華房

二

夙酒縈懷處芳亭挂頰間一鶯黃翠柳雙鷺白青山

三

黃鳥新聲變青山霽色妍預爲寒食地晴放海棠天

四

犬見行人吠牛尋熟路回煙花迷碧嶂花片點蒼苔

五

風雨平安日山林富貴天笋芽青露爪蕨蕨紫伸拳

六言詩

題丹晨書院壁

春晝花明日暖夏天柳暗風涼秋桂月中藏影冬梅雪裏飄香

冬夜巖居二首

回首青鸞何處長空萬里蒼煙中酒梅花月夜懷人松籟霜天

二

孤澗月華明水半簾梅影香風惆悵謫仙何處無人共倒金鐘

偶成

柳葉枝枝弄碧花梢點點黏紅尙有幾分春色還我一半東風

道藏輯要

白真人集二

七

雙集二

午睡

簟織湘筠似浪帳垂空翠如煙一片睡雲驚散綠槐高處風涼

呈孀翁六首

倦子冷居姑射居士高臥昆耶鈍置詩盟酒約只自焚香吃茶

二

酒惡頻將花嗅睡酣便把茶澆秋到梧桐枝上夜來風雨瀟瀟

三

金醴青如竹葉玉娥白似蓮花聞君微恙脫體杖藜欲訪君家

四

蓮蕊嫌風狼籍稻苗得雨精神翻憶武夷九曲去秋艤棹溪邊